



bibliotheken graubünden
bibliotecas grischun
biblioteche grigioni

Biblioteca Casa de Mont Laax

Rapport annual 2015

28 da schaner: Elisabeth Coray e Marionna Tschuor representan la biblioteca da Laax alla sentupada dallas responsablas da biblioteca dalla Surselva che ha giu liug ella biblioteca Sursaissa.

6 da fevrer: Biblioteca pintga: Riccarda Camenisch Congo raquenta la historia *Oskar ed il dragun fomentau*.

25 da fevrer: Elisabeth e Marionna ein stadas alla radunonza annuala da leger.GR a Tusaun. Dominique Anne Schuetz ha prelegiu ord siu roman *Die unsichtbare Grenze*.

25 da mars: La menadra ei stada presenta alla sentupada annuala dallas responsablas da biblioteca dil Grischun che ha giu liug a Cuera.

27 da mars: Biblioteca pintga: Petra Tuor raquenta ina historia pils affons dalla tarmagliera: *Il pluschein da Pastgas* e Maria Camenisch raquenta als pli gronds *Ah Tiberius...* ina historia da Pastgas.

21 d'avrel: Tuttas bibliotecaras fan in'excursiun a S.Gagl per cumprar en cudischs e passentar in di communabel.

17 da zercladur: La menadra participescha al workshop: cataloghisar cun winmedio.net e biblio.gr che ha giu liug a Cuera.

1. da zercladur – 31 d'october: Ils bauns da lectura – a Laax sper il Lag Grond ed a Schluein el quartier Buortga – vegnan apprezzai fetg e nus vein era in fetg bien resun dallas personas che fan diever da quella offerta.

11 da settember: Noss'occurenza per l'jamna dallas bibliotecas GR: Maria Camenisch e Riccarda Camenisch Congo presentan il teater da casparets *Il gigant dalla meila*.

16 da settember: Elisabeth, Claudia e Marionna representan la biblioteca alla prelecziun en memoria da Doris Waldvogel, presidenta da leger.gr, a Glion.

13 da november: La "Notg da raquents svizra" stat sut il motto *Strias e gats ners*. Varga 30 striettas, strias e striuns ein sentupai sper il Lag Grond ed han mirau sco la stria Maria e siu gat Electrolux emprovan da striunar. Suenter il sault da strias entuorn il fiug ha ei dau ina buna suppa cun in paunet special.

19 da november: La menadra frequenta il workshop statistica winmedio.net che ha giu liug a Cuera.

11 da december: Biblioteca pintga: Nadia Cathomas raquenta als affons pli pigns la historietta *Il pign Sontgaclau* ed als affons da scoletta ed 1. classa raquenta Petra Tuor *Il renn Ralf enquera Nadal*.

Il matg vein nus giu renovaziuns en biblioteca (ligiar giu e dar color da niev ina part dallas preits) e perquei stuiu serrar duas jamnas. Duront quei temps havein nus era gest saviu installar ils novs PCs.

Las prelecziuns d'auturas ed auturs che leger.GR porscha vegnan organisadas directamain dalla "scolaviava". 2015 ha Thomas J. Hauck prelegiu alla 3. – 6. cl. ed ils scolars dalla superiura han saviu guder il Poetry Slam da Daniela Dill.

Marionna Tschuor-Coray, menadra

Laax, ils 25 da fevrer 2016